

INUIT ATAQATIGIIT INATSISARTUNI



14. august 2024

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisut pisortat/inuiaqatigiit pigisaanni piginneqatigiiffinni aktiaatileqatigiiffiit pisortaanut aningaasarsiaritinneqartartunut qaffasissorujussuannut qanoq isumaqarpat?**
- 2. Pisortat/Inuiaqatigiit pigisaanni aktiaatileqatigiiffinni pisortaatinneqartartunut sulinermi ajunngitsorsiassat naliginnaasut suunersut Naalakkersuisunit ilisimaneqarpat?**
 - A) Aappiuppat, suut sulinermi ajunngitsorsiassatut tunniunneqartartut naliginnaanerpaappat?**
- 3. Inuiaqatigiit pigissaanni aktiaatileqatigiiffinni pisortaatinneqartartut aningaasarsiaat Naalakkersuisunit pissusissamisoortutut isigineqarpat?**
- 4. Inuiaqatigiit pigisaanni aktiaatileqatigiiffinni pisortaaartunut ajunngitsorsiassarpassuusartut Naalakkersuisunit pissusissamisoortutut isigineqarpat?**
- 5. Naalakkersuisut piginneqatigiiffinni inuiaqatigiit pigisaanni atuisuniit piginneqatigiiffiit pisortaannut akiliutigineqarlutillu aningaasarsiaritinneqartut imminnut naappertuututut isigineqarpat?**
- 6. Naalakkersuisut piginneqatigiilluni suliffeqarfiit inuiaqatigiinniit pigineqartut pisortaasa aningaasarsiaannut immiut naleqqunnerusungorsarniarlugit sulissuteqarnissamut piumassuseqarpat?**
 - A) Aappiuppat, suliniutit suut ingerlanneqarpat?**
 - B) Suliffeqarfiit inuiaqatigiit pigisaannik ingerlatani pisortaatinneqartartut aningaasarsiaannut, sulilermiinnillu ajunngitsorsiartinneqartartunut qummut killiliiniarpat?**

INUIT ATAQATIGIIT INATSISARTUNI



(Inatsisartunut ilaasortaq Mariane Paviasen, Inuit Ataqatigiit)

Tungavilersuut:

Inuiaqatigiit pigisaanni assersuutigalugu Royal Greenland, INI A/S, Iserit A/S, Royal Arctic Line A/S, il.il pisortaqartitsinikkut qaffasissorujussuarnik aningaasarsiaqartitsisarneq akuersaaginnarsinnaangilarput, taakkumi pisortaannut akissarsiaritinneqartut tamavimmik tassaapput inuiaqatigiit atuisut piginnittuusullu akilersugaat, ilami ukiumut ilaatigut allaat 8.mill.-kr-nik akissarsiaqartitsisoqarluni, illuatungaani aalisakkat akii appasissut nunatsinni aalisartortatsinnut ass. Saarullik kg-mut 4 kr-miss. Akilerneqartarluni. Inissiaatileqatigiiffinni pisortaaqqartartut sulinerminni sulianik pitsaasusilinnik takussaasoqarpallaangilat, tassami inissiarpassuit aserfallassimaqisut, peqqissutsimut akornusiisinnaasunik oqummik peqarfiusut tusarsaaleraluttuinnarput, illoqarfinni mikinerusuni annermik inissiat silatimikkut qalipaataarutilersut, iserfigigaannilu aserfallassimaqisut naliginnaalernikuupput, illua'tungaani INI A/S-imi Iserit A/S-imi pisortaanertut atorfillit milliuunilikkaanik aningaasarsitinneqartarlutik pissutsit taamak ingerlasut akuerineqarsinnaangillat, iliuuseqarfigineqartariaqarpoq A/S-imi siulersuisuusartut tassaakkajupput atorfikkaat taakkunungalu naliginnaasuusimagunarpoq qaffasissumik aningaasarsiaqarneq taamaattorli atuisut qiviaraanni inuiaqatigiit amerlanersaat isertitakinnerpaanniit akunnattumik isertitallit, taamaammat isumaqarpunga inuiaqatigiit pigisaanni ingerlatseriaaseq atuisut akiliutaanik ingerlatsineq pitsaanerusariaqarpoq.